

10 trivia menarik pandemik Covid-19

6.8 JUTA KEMATIAN

- Menurut Pertubuhan Kesihatan Sedunia (WHO) pada 27 Januari lalu, lebih 6.8 juta kematian direkodkan secara rasmi daripada 752 juta kes di seluruh dunia sejak awal 2020.
- Agensi kesihatan di bawah Pertubuhan Bangsa-Bangsa Bersatu (PBB) itu bagaimanapun percaya angka sebenar mungkin dua hingga tiga kali ganda lebih tinggi.



13 BILION SUNTIKAN VAKSIN

- Our World in Data (OWID) memaklumkan kira-kira 13.25 bilion vaksin telah diberikan seluruh dunia sehingga 30 Januari.
- Kira-kira 69.4 peratus populasi di dunia menerima sekurang-kurangnya satu dos. Hanya 26.4 peratus populasi di negara berpendapatan rendah diberikan dos pertama.



ENAM DARIPADA 10 PENDUDUK DIKENAKAN LOCKDOWN

- Ketika kemuncak gelombang pertama pandemik itu pada musim bunga 2020, lebih 4.5 bilion di 110 negara atau wilayah dikenakan *lockdown* atau berdepan arahan duduk di rumah untuk mengekang penularan wabak itu. Angka itu mewakili hampir 60 peratus populasi dunia.



5.2 PERATUS KURANG PELEPASAN KARBON

- Pelepasan karbon menurun sebanyak 5.2 peratus pada 2020, menurut Projek Karbon Global (GCP) pada November 2022. Ia tidak mencukupi untuk menghentikan pemanasan global.

SATU PEREMPAT ALAMI KEMURUNGAN

- Menurut data WHO pada Mac 2022, kes kebimbangan melampau dan kemurungan di seluruh dunia meningkat sebanyak 25 peratus pada tahun pertama pandemik. Masalah itu disebabkan tekanan kerana tempoh pengasingan terlalu lama yang tidak pernah berlaku sebelum ini. Golongan muda dan wanita antara yang paling teruk terjejas.



LAPAN DARIPADA 10 KANAK-KANAK TIDAK DAPAT BERSEKOLAH

- Pada 20 April 2020, sekolah dan universiti ditutup di 151 negara hingga menjejaskan 1.29 bilion individu atau 81.8 peratus murid dan pelajar di seluruh dunia.



RATUSAN BILION PELITUP MUKA

- Pemakaian pelitup muka ketika menggunakan pengangkutan awam, di premis perniagaan dan tempat orang ramai telah menjadi aksesori paling simbolik sepanjang pandemik. Bermula Mac hingga akhir Disember 2020, China telah mengeksport 224 bilion pelitup muka ke seluruh dunia.



JUMLAH PENUMPANG UDARA BERKURANGAN 60 PERATUS

- Data dikeluarkan Persatuan Pengangkutan Udara Antarabangsa (IATA) mendapati jumlah penumpang menurun lebih daripada separuh pada 2020 kepada 60 peratus berbanding pada 2019.
- Sehingga kini, industri penerbangan masih belum pulih sepenuhnya.

6 PENURUNAN 3.1 PERATUS KDNK GLOBAL

- Pemberhentian operasi sejumlah sektor ekonomi telah menyebabkan kejatuhan 3.1 peratus keluaran dalam negara kasar (KDNK) global pada 2020. Ia bagaimanapun melantun semula kepada 5.9 peratus di peringkat dunia pada 2021.

7 135 JUTA HILANG PEKERJAAN

- Pertubuhan Buruh Antarabangsa (ILO) memberitahu pandemik tersebut memberi impak besar kepada pekerjaan. Walaupun keadaan mula pulih, kira-kira 56 juta orang masih tidak bekerja pada 2022 dan dianggarkan 37 juta kekal berada dalam situasi demikian pada 2023.